

# Melindungi diri anda daripada eksploitasi di tempat kerja



## Tips apabila mencari kerja

- Percayai pertimbangan anda sendiri. Jika sebarang situasi atau individu membuat anda tidak selesa, ikuti naluri tersebut.
- Bawa seseorang bersama anda apabila anda bertemu dengan bakal majikan buat pertama kali.
- Pastikan seseorang yang anda percayai tahu di mana anda berada, terutamanya jika anda pergi ke lokasi kerja yang jauh.
- Beritahu rakan/saudara yang dipercayai jika anda berasa seperti anda berada dalam bahaya atau jika seseorang/situasi adalah mencurigakan.
- Sentiasa simpan semua dokumen peribadi dan pengenalan diri yang penting dalam simpanan anda.
- Simpan nombor penting dalam telefon anda, termasuk nombor seseorang yang anda rasa selamat untuk dihubungi jika anda menghadapi masalah.



## Petua semasa mempertimbangkan dan memulakan kerja baharu

- Pastikan syarat visa anda membenarkan anda bekerja dan melakukan jenis pekerjaan dan waktu kerja yang anda telah bersetuju untuk lakukan. Jika anda tidak pasti, anda harus mendapatkan nasihat daripada perkhidmatan undang-undang.
- Minta maklumat tentang pekerjaan, termasuk jawatan, tugas, waktu kerja, dan keadaan di tempat kerja.

- Berhati-hati dengan jawatan yang melibatkan keadaan kerja yang buruk, contohnya:**
  - dibayar di bawah gaji minimum setiap jam. Mulai 1 Julai 2022, gaji Minimum Kebangsaan ialah \$21.38 sejam atau \$812.60 seminggu. Ini meningkat setiap tahun.
  - dikehendaki melengkapkan latihan tanpa gaji untuk mendapatkan pekerjaan atau tidak dibayar semasa tempoh percubaan
  - diancam atau didiskriminasi di tempat kerja
  - diminta bersetuju dengan majikan mengambil sejumlah besar wang daripada gaji anda
  - dikehendaki bekerja dengan waktu yang terlalu panjang atau bekerja lebih waktu daripada yang dibenarkan oleh visa anda
  - dikehendaki bekerja dalam persekitaran kerja yang tidak selamat atau melakukan tugas berbahaya
  - dipantau atau dikawal dalam pergerakan anda ke tempat kerja dan dari tempat kerja
  - dikehendaki tidur di tapak kerja atau di tempat penginapan yang disediakan oleh majikan.
- Pastikan anda mengetahui nama orang atau perniagaan yang sah yang anda akan bekerja atau berjumpa.** Perniagaan juga biasanya mempunyai Nombor Perniagaan Australia (ABN) untuk tujuan cukai. Jika mereka tidak mahu memberikan nama atau ABN mereka, maka anda perlu mengambil langkah dengan berhati-hati.
- Semak perniagaan jika didaftarkan secara sah sebelum memulakan kerja:**
  - Anda boleh membuat pencarian untuk melihat sama ada sebarang perniagaan berdaftar dengan daftar Suruhanjaya Sekuriti & Pelaburan Australia (ASIC).
  - Anda boleh mencari mengikut ABN pada ABN Lookup untuk mengenal pasti nama sah dan jenis perniagaan majikan.
- Berhati-hati apabila bertemu majikan buat kali pertama:**
  - Pertimbangkan untuk membawa seseorang bersama anda dan bukannya pergi bersendirian
  - Cuba membuat pertemuan didalam persekitaran di mana terdapat orang lain di sekeliling anda, atau di tempat awam

- Beritahu seseorang yang anda percayai ke mana anda pergi, siapa yang akan anda temui dan pukul berapa anda dijangkakan untuk kembali.
- Pastikan anda berasa selesa sebelum memberikan maklumat peribadi anda (seperti alamat rumah anda) atau salinan dokumen pengenalan diri (seperti pasport anda).** Anda hendaklah sentiasa menyimpan dokumen asal dalam simpanan anda.
- Sebelum memulakan kerja, pastikan anda dan majikan telah berbincang dan bersetuju dengan pengaturan kerja anda.** Sebagai contoh:
  - Dengan meminta dan menyimpan salinan kontrak pekerjaan bertulis
  - Dengan memastikan anda telah membaca dan memahami mana-mana kontrak yang anda akan tandatangani.
  - Jika tiada kontrak bertulis disediakan, simpan rekod anda sendiri tentang perkara yang anda dan majikan telah bincangkan dan persetujui tentang kerja anda.
- Simpan rekod tentang kerja anda, supaya anda mempunyai bukti yang cukup untuk membuktikan pengalaman anda, termasuk:**
  - menyimpan rekod dan menjejaki waktu kerja anda
  - menyimpan salinan dokumen penting tentang pengaturan kerja anda
  - menyimpan rekod atau bukti keadaan di tempat kerja anda
  - menyemak jumlah dalam slip gaji anda sepadan dengan jam yang anda telah bekerja. Setiap majikan mesti memberi pekerja mereka slip gaji dengan tetap.

